

Diembargo sehingga
10 pagi, Sabtu, 5 Mei 2018



PENGUMUMAN INISIATIF-INISIATIF BAHARU SEMASA MAJLIS PELANTIKAN RAKAN BAHASA 2018

Sabtu, 5 Mei 2018 – Seramai 298 pelajar Bahasa Melayu dari 152 buah sekolah telah dilantik sebagai Rakan Bahasa di satu majlis pelantikan yang berlangsung, di Auditorium MDIS, pada pagi tadi. Acara tersebut dihadiri Tetamu Terhormat, Puan Rahayu Mahzam, Pengerusi Jawatankuasa Bulan Bahasa, Ahli Majlis Bahasa Melayu Singapura, dan Ahli Parlimen untuk GRC Jurong.

Dalam ucapan beliau, Puan Rahayu mengucapkan tahniah kepada para pelajar dan menggalakkan mereka agar terus menyebarkan rasa cinta mereka akan bahasa Melayu. Beliau juga mendorong mereka untuk menganjurkan aktiviti-aktiviti yang berkaitan dengan bahasa Melayu di sekolah masing-masing.

Sempena perayaan 30 tahun sejak Majlis Bahasa Melayu menganjurkan edisi pertama Bulan Bahasa pada tahun 1988, beberapa inisiatif dan program baharu telah diumumkan bagi semua Rakan Bahasa tahun ini. Inisiatif-inisiatif ini bertujuan untuk menggalakkan penggunaan dan penghargaan terhadap bahasa Melayu dalam kalangan para pelajar.

1. **Pertandingan NewsMaker**

Semua Rakan Bahasa digalakkan menggunakan ekspresi kreatif untuk berkongsi idea serta maklumat dengan masyarakat umum. Salah satu cara adalah melalui aplikasi NewsMaker, yang ditaja oleh TeeVers. Dengan aplikasi ini, para pelajar dapat menggunakan kandungan, dan menyampaikan laporan berita atau coretan-coretan video tentang kegiatan-kegiatan sekolah.

Buat pertama kali, semua Rakan Bahasa akan berpeluang untuk menyertai **Pertandingan NewsMaker**, anjuran bersama TeeVers, Majlis Bahasa Melayu Singapura dan Jawatankuasa Bulan Bahasa. Pertandingan ini akan diadakan pada 23 dan 24 Mei 2018 di Taman Warisan Melayu, bagi pasukan-pasukan yang telah mendaftar. Pemenang akan diumumkan pada bulan Jun dan akan menerima piala, pingat dan sijil.

2. **Kembara Rakan Bahasa**

Tahun ini, semua Rakan Bahasa akan diberikan **Kembara Rakan Bahasa, kad aktiviti baharu** yang mencabar mereka menyelesaikan tugas-tugas berbeza, untuk mengasah kemahiran bahasa Melayu mereka. Kad-kad aktiviti ini direka untuk peringkat yang berbeza (sekolah rendah, sekolah menengah dan institusi pengajian tinggi) dan mengandungi tugas-tugas berkaitan dengan kemahiran membaca, menulis, bertutur dan aktiviti-aktiviti yang menggalakkan pembelajaran bahasa Melayu.

**Diembargo sehingga
10 pagi, Sabtu, 5 Mei 2018**



Sebagai tanda pencapaian, Rakan-rakan Bahasa yang menyelesaikan tugas-tugas ini akan menerima lencana eksklusif.

3. Sesi Perkongsian Duta Bahasa

Satu Sesi perkongsian telah dikendalikan oleh Duta Bahasa, Megat Muhammad Firdaus, dan beliau telah berkongsi pelbagai tip yang baik dan berguna mengenai cara penyampaian. Beliau juga telah berkongsi dengan para pelajar kepentingan dan kerelevanan bahasa Melayu dalam kerjaya.

Tambahan lagi, semua Rakan Bahasa digalakkan melibatkan diri mereka dalam program-program dan acara-acara yang akan diadakan sepanjang Bulan Bahasa, dari 18 Ogos hingga 14 Oktober 2018.

Pelancaran Bulan Bahasa akan diadakan pada Sabtu, 1 September, 2018 di Wisma Geylang Serai.

~ ~ ~

Untuk maklumat lanjut, sila hubungi:

Ms Liyana Nasyita
Penolong Pengurus
Institusi Warisan
Lembaga Warisan Negara
DID: 6332 5493
E-mel: liyana_nasyita_shukarman@nhb.gov.sg

Mengenai Bulan Bahasa anjuran Majlis Bahasa Melayu Singapura

Bulan Bahasa pertama kali dilancarkan pada tahun 1988 oleh Majlis Bahasa Melayu Singapura (MBMS) dan diadakan sekali setiap dua tahun. Sejak 2011, ia menjadi sambutan tahunan yang terus menarik minat, penyertaan dan sokongan masyarakat.

Sebagai inisiatif unggul MBMS, Bulan Bahasa menggalakkan masyarakat menghargai dan menggunakan bahasa Melayu di dalam kehidupan mereka. Ia juga bertujuan untuk melestarikan warisan masyarakat Melayu.

Untuk maklumat lanjut mengenai MBMS, dan Bulan Bahasa, sila lungsur mbms.sg dan facebook.com/majlisbahasa.